

ს ა ქ ა რ თ ვ ე ლ ო

ხონის მუნიციპალიტეტის საკრებულოს

2018 წლის 7 სექტემბრის სხდომის

ოქმი N23

## ხონის მუნიციპალიტეტის საკრებულოს სხდომის

ოქმი N 23

ქ. ხონი

7 სექტემბერი 2018 წელი

2018 წლის 7 სექტემბერს საკრებულოს სხდომათა დარბაზში გაიმართა ხონის მუნიციპალიტეტის საკრებულოს რიგგარეშე სხდომა. სხდომას თავმჯდომარეობდა საკრებულოს თავმჯდომარის მოადგილე კობა კუბლაშვილი სხდომას საკრებულოს 28 წევრიდან ესწრებოდა: არსენ ბენდელიანი, ნანა ბახტაძე, ჯუნგლი გოდერიძე, ალიკო ვეკუა, ზაზა ვაშავიძე, სერგო ჯალაღანია, არჩილ საღარაძე, მაკა ტაბიძე, ტარიელ ბარაბაძე, ლია ღაჭავა, დავით ჯიშვარიანი, შორენა კავაბაძე, თამაზი ცაგარეიშვილი, ია სულუხია, ლევან ბობოხიძე, ნაზიბროლა გეგია, ნუგზარ გორდულაძე, ირაკლი ბახტაძე.

სხდომა დაიწყო: 15 საათზე.

სხდომა დასრულდა: 16 საათზე.

დღის წესრიგი:

- „სოციალური დახმარების გაცემისა და მიღების პროგრამი”-ს დამტკიცების შესახებ ხონის მუნიციპალიტეტის საკრებულოს 2018 წლის 27 აგვისტოს №74 დადგენილებაში ცვლილების შეტანის შესახებ”.

მომხსენებელი: ლეილა კინწურაშვილი მერიის სოციალური სამსახურის ხელმძღვანელი.

საკრებულოს წევრების მიერ სხდომის დღის წესრიგის პროექტის მიმართ შენიშვნები არ დაფიქსირებულა, სხდომის თავმჯდომარემ კენჭი უყარა დღის წესრიგის პროექტს:

მომხრე — 19

ინააღმდეგი — არცერთი

მიღებული განკარგულება ოქმს თან ერთვის.

დღის წესრიგით გათვალისწინებული საკითხი: „სოციალური დახმარების გაცემისა და მიღების პროგრამი”-ს დამტკიცების შესახებ ხონის მუნიციპალიტეტის საკრებულოს 2018 წლის 27 აგვისტოს №74 დადგენილებაში ცვლილების შეტანის შესახებ”. საკრებულოს წევრებს გააცნო და მოხსენებით წარსდგა ლეილა კინწურაშვილი მერიის სოციალური სამსახურის ხელმძღვანელი.

დეპუტატებმა ირაკლი ბახტაძემ და სერგო ჯალაღანიამ გამოთქვეს მოსახრება, რომ პროექტში უნდა ეწეროს „წესი“ და არა „პროგრამა“ რადგან ეს ორი საპირისპირო რამ არის. ბიუჯეტი განსაზღვრავს პროგრამას, ამ შემთხვევაში კი საუბარია გაცემის წესზე.

დეპუტატმა ირაკლი ბახტაძემ დასვა შეკითხვა გაცემის წესთან დაკავშირებულ დოკუმენტებტან დაკავშირებით, მისი აზრით მუხლი, რომელიც სოც მდგომარეობას და სოფლის წარმომადგენლის მიერ შუამდგომლობის გაწევას შეეხება უნდა იქნეს ამოღებული და რაც მთავარია აფთიაქში თანხის ჩარიცხვა როგორ მოხდება ეს უნდა იყოს გასაგებად მითითებული.

დეპუტატმა სერგო ჯალაღანიამ აღნიშნა, რომ საკითხს ისევ არ ახლავს განმარტებითი ბარათი, რაც ბუნდოვანს ხდის ცვლილების განხორციელების საჭიროებას.

ლეილა კინწურაშვილმა უპასუხა: ვინაიდან პროექტში სამედიცინო დაწესებულება ეწერა და კონკრეტულად არ იყო მითითებული აფთიაქი, თანხის ჩარიცხვის დროს შეიქმნა პრობლემა.

საკრებულოს თავმჯდომარის მოადგილემ კობა კუბლაშვილმა აღნიშნა, რომ მკურნალობა ესაჭიროებოდა თუ არა ყველა იღებდა 100 ლარს, ამჟამად უმჯობესია საჭიროებისამებრ მოიხმაროს პაციენტმა თანხა, რაც შეეხება მედიკამენტებს ფორმა 100-ში უნდა იყოს ჩაწერილი თუ რა სახის მედიკამენტი ესაჭიროება დახმარების მიმღებს.

დეპუტატმა ნაზიბროლა გეგიამ გამოთქვა მოსაზრება: გადაწყვეტილება არაჰუმანურია, რადგან აღნიშნული დაავადების მქონე პაციენტს მუდმივი გამოკვლევა და კონტროლი სჭირდება.

საკრებულოს თავმჯდომარის მოადგილემ კობა კუბლაშვილმა აღნიშნა, რომ თუ კი მკურნალი ექიმის მიერ გაცემულ ფორმა 100-ში იქნება ჩანაწერი დახმარების მიმღებს თუ რა სახის მკურნალობა ესაჭიროება ეს თანხები დაიფარება სწორედ ონკოდაავადებულთა დახმარების მესაბამისი მუხლიდან.

სხდომის თავმჯდომარემ კენჭი უყარა წარმოდგენილ პროექტს: „სოციალური დახმარების გაცემისა და მიღების პროგრამი”-ს დამტკიცების შესახებ ხონის მუნიციპალიტეტის საკრებულოს 2018 წლის 27 აგვისტოს №74 დადგენილებაში ცვლილების შეტანის შესახებ”.

მომხრე - 14

წინააღმდეგი - 5

მიღებული დადგენილება ოქმს თან ერთვის.

დღის წესრიგით გათვლისწინებული საკითხების ამოწურვასთან დაკავშირებით სხდომის თავმჯდომარემ სხდომა დახურულად გამოაცხადა.

სხდომის თავმჯდომარე:

კობა კუბლაშვილი

სხდომის მდივანი:

მაია ბობოხიძე

